

3.3-Research Publication

3.3.2 Number of books and chapters in edited/books published and papers published in national/international conference proceedings per teacher during last five year.

Sl No	Name Of Teacher	Department Of the Teacher	Name Of Journal	Title Of Paper	Title Of Book	Name Of The Publisher	Year Of Publication	Link To Website Of The Journal	ISSN Number	ISBN Number	Peer List Journal (Yes/No)	Individual Or Jointly	URL
1	Ajmitra Khatun	Bengali		Sindure Kajale :Narir Nimajjito Jiboner Itihas.	Saikat Rakshit Onurage o onubhobe	Tapati Publication	08.11. 2022			978-93-93728-11-1		Individual	

  
 Principal  
 Al-Ameen Memorial Minority College,  
 Jogibattala, Baruipur, KOL.-145

# সৈকত রক্ষিতঃ অনুরাগে অনুভবে



আমপাত

খাতি

হে  
মখা

বংশ

লু

বালি রাগানের মাথার উপর

আকরিক

মস

ঢোল শো

আখাম

চেয়ার

সিঁদুরে কাজলে

ধুলাউড়ানি

জন্মভূমি  
বধাভূমি

সিরকাবাদ

কুশকরাত

সম্পাদনা

অরূপ পলমল

দেবী  
আশা

মাজাই  
কলা

**SAIKAT RAKSHIT-ONURAGE O ONUBHOBE**  
A Collection of Essay About Writer Saikat Rakshit live and Creation

Edited by  
**ARUP PALMAL**

Published by Tapati Publication- 9/4 Tamer Lane, Kolkata 700009

প্রথম প্রকাশ :

৮ নভেম্বর, ২০২২

(গুরু পূর্ণিমা/সৃজন উৎসব/সৃজনভূমি, মানবাজার, পুরুলিয়া)

শ্রীমতী পাপিয়া চক্রবর্তী কর্তৃক তপতী পাবলিকেশন, ৯/৪ টেমার লেন, কলকাতা ৭০০০০৯ থেকে প্রকাশিত  
এবং জয়শ্রী প্রেস, ৯১/১ বি, বৈঠকখানা রোড, কলকাতা ৭০০০০৯ থেকে মুদ্রিত

গ্রন্থস্বয়ং : প্রতিরূপ পলমল

প্রচ্ছদ : সূজয় চৌধুরী

গ্রন্থ অলঙ্করণ : সূজয় চৌধুরী

আলোকচিত্র : অরূপ পলমল

বর্ণসংস্থাপন : অরূপ পলমল

প্রকাশিকা ও সহকারীকারীর লিখিত অনুমতি ছাড়া এই বইয়ের কোনও অংশের কোনও মাধ্যমের সাহায্যে কোনও  
রকম পুনরুৎপাদন বা প্রতিলিপি করা যাবে না। এই শর্ত না মানলে যথাযথ আইনি ব্যবস্থা গ্রহণ করা হবে।

ISBN: 978-93-93728-11-1

মূল্য : ৭৫০ টাকা মাত্র

05/11/2022 09:17

## সূচীপত্র

### খালি পায়ে যাবো সহস্র খালি পায়ের কাছে: প্রসঙ্গ উপন্যাস

- শূন্যতার উপকূলে পূর্ণতার অভিমুখ - সৈকত রক্ষিত : ১২  
আমার লেখা, আমার মন - সৈকত রক্ষিত : ২৪  
লেখা এক অপ্রত্যক্ষ সংগ্রাম - সৈকত রক্ষিত : ৩০  
কত লক্ষ যেনি ঘুরে ঘুরে - সৈকত রক্ষিত : ৩২

#### আকস্মিক

- এক অন্যাশ্রয়, অন্য উপাখ্যান - সৈকত রক্ষিত : ৩৭  
আকস্মিক: শোষিত মানুষের সংগ্রাম - গোষ্ঠ কর্মণ : ৩৯  
আকস্মিক: জীবন- জীবিকার সংকট তথা প্রতিবাদের গল্প - সুখেন মণ্ডল : ৪৩  
আকস্মিক: ভাষা ও শৈলীগত সমীক্ষা - শ্যামল রায় : ৪৭

#### হাড়িক

- হাড়িক: বাংলা উপন্যাসে নিম্নবর্গীয় চেতনা - পৃথ্বীশ সাহা : ৫৫  
হাড়িক: হাড়িদের সমাজজীবন ও মানত্বের উপভাষা - নাডু গোপাল দে : ৫৮  
হাড়িক - বিশ্বজিৎ পাল : ৬৪

#### আমপাত চিরি চিরি

- আমপাত চিরি চিরি: কুমুরগানের রং- মাথা, কাজল- মাথা এক কাহিনি - দিলীপ কুমার বসু : ৬৯

#### ধূলাউড়ানি

- প্রসঙ্গ ধূলাউড়ানি - প্রিয়কান্ত নাথ : ৮১  
ধূলাউড়ানি: সাঁওতাল জীবন চিত্রণের চলছবি - শাবলী সিংহ রায় : ৮৫

#### অশ্কেহিণী

- অশ্কেহিণী: শতাব্দী প্রাচীন সহস্র মানুষের জীবন জীবন - গাফফার আনসারী : ৮৯

#### বৃহৎ

- 'বৃহৎ': নারী, সত্তা না সম্পদ? - অনিমেষ ব্যানার্জী : ৯৭  
ব্যক্তিগত সৈকত রক্ষিত ও বৃহৎ: অনির্দেশ্য ভালোবাসার দৌড় - সুমিত পতি : ১০২

### সিরকাবাদ

সিরকাবাদ: পুরুলিয়ার আদিবাসী জীবন- শ্রাবণী সিংহ রায় : ১০৭

সিরকাবাদ: আখ-অন্ত গ্রাণ মানুষের জীবনালেখা- শ্যামল মোহন্ত : ১১১

### কুশকরাত

অষ্টার কখন: প্রসঙ্গ কুশকরাত - সৈকত রক্ষিত : ১১৭

চেনা জীবনকেই বিষয় করে তুলেছেন - রামকুমার মুখোপাধ্যায় : ১১৯

স্তিমিত রণতুর্ধ: প্রযুক্তির আয়ামন, প্রান্তজনের শ্রম ও শিমেরা বিপন্নতা - বিপ্লব গঙ্গোপাধ্যায় : ১২১

স্তিমিত রণতুর্ধ: একটি পাঠ ও আলাপ - কৌশিক মিত্র : ১২৫

'স্তিমিত রণতুর্ধ': গভ্যায় শিল্প ও শিল্পগোষ্ঠীর জীবন আখ্যান- চিন্ময় সাধুর্ধা : ১২৮

### সিঁদুরে কাজলে

নির্মাণ বিনির্মাণ অনন্য সৈকত - প্রবুদ্ধ মিত্র : ১৩৭

'সিঁদুরে কাজলে': একটি নিবিড় পাঠ- অচিন্ত্য মাজী : ১৪০

কবি ও কথাসাহিত্যিক সৈকত রক্ষিত - সুনীল মাজী : ১৪৬

সিঁদুরে কাজলে: নারীর নিমজ্জিত জীবনের ইতিহাস - আজমিরা খাতুন : ১৫১

### টেকিকল

টেকিকল: স্বাধীনতা উত্তর পুরুলিয়ার আর্থ- সামাজিক অবস্থা - সদানন্দ অধিকারী : ১৫৯

টেকিকল: মানভূমের প্রান্তিক মানুষদের জীবন সংগ্রাম - শিবশঙ্কর সিং : ১৬৪

### ঢোল শোহরত

ঢোল শোহরত: সৈকতের উপন্যাসের ধারায় স্বতন্ত্র নির্মাণ - অরূপ পলমল : ১৭৩

### মহামাস

মহামাস: সমর্পিত শ্রম সত্তা ও শিল্পসত্তার জীবনালেখা - বিপ্লব গঙ্গোপাধ্যায় : ১৭৭

মহামাস: অনির্বাণ মূল্যবোধের শিক্ষা- সুজয়া দত্ত : ১৭৯

### মদনভেদ্বি

আমার হৃদয়, মথিত করা অশ্রুবেদনা - সৈকত রক্ষিত : ১৮৯

সাহিত্যের স্বরূপ নিয়েই তাঁর লেখা - আফসার আমেদ : ১৯১

পশ্চিম সীমান্ত রাঢ়ের লোকায়ত জীবন ও স্বপ্ন - প্রবীর সরকার : ১৯৩

ঘণ্টা ও দৃষ্টির সম্পর্কের নিবিড়তা- অনিতা অগ্নিহোত্রী : ১৯৬

### বৈশম্পায়ন কহিলেন

মহাভারতীয় অনুষঙ্গে বিন্যাসের নারীত্বের আগরণ - প্রতিমা দাস : ২০১

বৈশম্পায়ন কহিলেন: চরিত্র নির্মাণ ও ভাষা সংযোজনায় এক অনবদ্য আখ্যান - অমরেশ দাস : ২০৫

### জয়কাব্য

জয়কাব্য: লেখকের কথা - সৈকত রক্ষিত : ২১৩

জয়কাব্য: যতটা উপন্যাস ততটাই কাব্য - বহমান কালের লিপিমাল্য - প্রবীর সরকার : ২১৫

## সিন্দুরে কাজলে: নারীর নিমজ্জিত জীবনের ইতিহাস

আফমিরা খাতুন

তিনি তাঁর লেখার বিষয় হিসেবে বেছে নিয়েছেন পুর্নালিয়া জেলার অন্তর্গত শ্রেণির মানুষ এবং তাঁদের জীবন ও সংস্কৃতি। সৈকত রক্ষিত পুর্নালিয়ার ডুমিপুর। সেখানেই তাঁর জন্ম এবং বেড়ে ওঠা। যার ফলে তিনি সেখানকার আদিবাসী সম্প্রদায়কে খুব কাছ থেকে দেখেছেন। তাদের বিচিত্র জীবনযাত্রা, জীবিকার সমস্যা, নারিত্রা তাঁকে গভীরভাবে প্রভাবিত করে। তাই আমরা তাঁর গল্প, উপন্যাস, নাটক, খুমুর গানের মধ্যে লেখতে পাই আদিবাসী সম্প্রদায়ের জীবনচিত্র। তা শুধুমাত্র সাহিত্য না হয়ে, হয়ে উঠেছে পুর্নালিয়ার সেইসব মানুষের জীবনের দলিল। সৈকত রক্ষিতের নিজের কথায়, 'আমি জিবি মূলত সাবঅলটার্নদের নিয়ে। মফস্বল শহর, গ্রাম এবং গ্রামজীবন আমার লেখার উপজীব্য। এবং সেটা পুর্নালিয়ার।' বাইকাল মধুসূদন দত্ত যাকে 'পাষণ্ডময় দেশ' বলেছিলেন সেই পুর্নালিয়া মানে শুধু পাগড়, জঙ্গল নয়, বন্য নয়, ছো-নাচ নয়। পুর্নালিয়া মানে এক বিজুত অঞ্চলের, এক বিরাট জীবনব্যাপনের সংস্কার ও বোধ। এর মধ্যে পাওয়া যায় পুর্নালিয়ার ঐতিহ্যকে, প্রকৃত পুর্নালিয়াকে। তাই পুর্নালিয়া হয়ে ওঠে সৈকত রক্ষিতের সাধনক্ষেত্র।

যেহেতু সৈকত রক্ষিতের লেখার প্রধান অবলম্বন পুর্নালিয়ার প্রান্তিক জনগোষ্ঠীর লোকায়ত জীবন ও সংস্কৃতি তাই তাঁর এক একটি উপন্যাস হয়ে উঠেছে এক একটি সম্প্রদায় জীবনের দস্তাবেজ। সেইসবকম একটি উপন্যাস 'সিন্দুরে কাজলে'। যেখানে রয়েছে কুড়মি সমাজের কথা। উপন্যাসটির কোন্ডে রয়েছে মালখোড় নামের গ্রাম, সেখানকার আচার-আচরণ, বিশ্বাস, সংস্কার। মাহাত বাদের পদবি ত্যরাই মূল কুড়মি সমাজের মধ্যে পড়ে। এই সম্প্রদায়কে পুর্নালিয়ার সংখ্যাগরিষ্ঠ জনগোষ্ঠী বলা যায়। 'সিন্দুরে কাজলে' উপন্যাস যার জীবন নিয়ে আবর্তিত সেই ভাদরি মাহাতেন বা মাহাতও এই কুড়মি-মাহাত যাদেরই মেয়ে এবং স্ত্রী।

উপন্যাসটি যেখান থেকে শুরু হচ্ছে তা আসলে উপন্যাসের শেষ। শেষের কথা থেকেই লেখক গোটা উপন্যাসটিকে ফিরিয়ে নিয়ে যেতে থাকেন শুরুর দিকে। ভোরে আলো ফুটতে যখন ঢের দেরি সেই অন্ধকারের মধ্যে দিয়ে ভাদরি তার মেয়ে চম্পিকে নিয়ে ক্রমশ এগিয়ে যাচ্ছে তার হেঁড়ে আসা গ্রাম মালখোড়ের দিকে। আসলে সে ফিরে আসছে। জীবনের এক অসম্ভব যাত্রা শেষে ভাদরি ফিরে আসতে চাইছে এমন এক ভবিষ্যতের দিকে যার সম্বন্ধে সে কিছুই জানে না। বিশ্বাস, ভয়ে, আশঙ্কায় অথচ আশায়

একটি একটি করে তৈরি হয়ে চলেছে তার পদক্ষেপ। ভাদরির জীবনের কোনটা যে শেষ আর কোনটা যে শুরু তা যেন ভাদরির মাতেই বিভ্রান্তি এনে দেয় পাঠকের মনেও। লেখাটি এরপর কখনও এগিয়ে, কখনও পিছিয়ে বিভিন্ন ঘটনা বলতে থাকে। তবে তার যাত্রাপথটি কখনই বিচ্যুত হয় না। কারণ, ঘটনা নির্মাণ লেখকের উদ্দেশ্য নয়। এক নারীজীবনের সত্যের উন্মোচনই প্রকৃত উদ্দেশ্য।

আগে কখনও কেউ ভাবেনি এমন একটি অবিশ্বাস্য ঘটনা ঘটে যার মালখোড় গ্রামে যা কেন্দ্র করে উপন্যাসে এসে পড়ে নারী-পুরুষের সম্পর্কের জটিল বিন্যাস, প্রেম, পরকীয়া প্রেম, প্রতিহিংসা, প্রত্যাখ্যান।

উপন্যাসের নায়িকা ভাদরি বা ভাদু তার বর আদালত মাহাতার সঙ্গে অসুখী দাম্পত্যজীবনের কষ্ট থেকে মুক্তি পেতে চেয়েছিল। বা বলা যায় মুক্তির এক উপায় খুঁজে পেয়েছিল। সে তার পছন্দের বনু শ্রীকান্তের সঙ্গে ঘর ছাড়ে। সঙ্গে নিয়ে যায় মেয়ে চম্পিকেও। তবে যে ঘটনার মধ্যে দিয়ে তা ঘটে তা বড় মারাত্মক। শ্রীকান্তের সঙ্গে তার প্রেমের সম্পর্ক জেনে গিয়েছিল তার নাথালক ছেলে সন্তোষ। সেখেকে ফেলছিল ভাদরি ও শ্রীকান্তের শারীরিক মেলামেশা। সেই সময় ভাদরি নিজের সন্তানকেই গলা টিপে হত্যা করে। হয়তো তা চায়নি সে। রাগের বশে, লোকলজ্জার ভয়ে নিজেকে সামলাতে পারেনি। কিন্তু শ্রীকান্তের সঙ্গে চলে যাওয়ার পর ক্রমশ তার মোহ ভাঙতে থাকে। সন্তান হত্যার অনুশোচনা তাকে দক্ষ করে দেয়। সে অস্থির হয়ে ওঠে নিজের হাতে রচিত 'শ্মশানে' অর্থাৎ মালখোড় তার স্বামী আদালত মাহাতার ঘরে ফিরতে।

“অতি সহজ সরল শব্দ 'ঘর'। অথচ এই সরল দুটি অক্ষরের মাঝে মানুষের কী জটিলতাই না রয়েছে।” লেখক এই জটিলতাকে যেভাবে দেখিয়েছেন তা বাইরের চোখে দেখে নেহাতই এক সাদামাটা কুড়মি পরিবারের বারোমাস্যা বলে মনে হতে পারে। কিন্তু আসলে তার ভেতরে বাসা বেঁধে রয়েছে বিশ্বাসহীনতা, ভালোবাসাহীনতার এক গোপন ক্ষয়।

শুধু জটিলতা নয়। রয়েছে 'কত দুঃখ, বেদনা, অশ্রুপাত, কত কুলভাজা হাহাকার আর দীর্ঘশ্বাস'। ঘরের জন্য মানুষ ভাঙছে তার আপন ঘর। যদিও আপনার বলে কিছু হয় না। তাই যেখানেই মানুষ তাকে মলিপনধীন করতে গেছে সেখানেই সে প্রতিদানে পেয়েছে আঘাত আর নৈরাশ্য।

ভাদু চার দেওয়ালের বাহ্যিক ঘরের বদলে তার বুকের মধ্যে বেঁধেছিল এক অদৃশ্য ভালোবাসার ঘর। সেখানে তার ভালোবাসার মানুষ ছিল বাপের ঘরের বাগাল শ্রীকান্ত রাজুয়াড়।

শ্রীকান্তের প্রতি ভাদুর দুর্বলতা ছিল। তার বড় কারণ কুমুর গান। তা তীর হয়ে ওঠে শ্রীকান্তের কুমুর গান শুনে। কেননা তার কুমুরের মধ্যে যে ভালোবাসার, প্রেমের নিবেদন ছিল তা সত্যি মর্মস্পর্শী। তার ভেতরে কৃষ্টির মহিমা যেমন আছে, তেমনই আছে প্রেমের হাহাকার ও আকুলতা। কুমুরের মধ্যে দিয়ে সে রূপ সৃষ্টি করার পাশাপাশি রাসের উৎসর্গণ ঘটায়। যৌবনের বিস্তার আনে। কুমুরে সুর তুলে ভাদুরির নরম, শান্ত মনকে অস্থির করে তোলে শ্রীকান্ত। গানের ভেতর দিয়ে বারবার তার পিপাসা ও আকুলতা নিবেদন করে ভাদুর কাছে। সাদা পেতে চায় ভাদুর।

“তুমার সিঁথার সিঁদুর দামিনী চোখের কাজল দামিনী

কানকুলটি কামিনী করিছে বলমল।

বঁধু আর কী দিয়ে সাজাব তুমাকে; সিঁদুরে কাজলে টলমল।।”

এই একটি কুমুর ভাদুর মধ্যে সংগঠিত করেছিল ভিন্ন এক দিশা যা তার জীবনকে পাল্টে দিয়েছিল। একদিনে

দাম্পত্যজীবনের শীতলতা ও প্রবল যৌনকুখা, অনাদিকে শ্রীকান্তের ভয়ঙ্কর প্রেম ও কুমুরের বহিমুখী টান ভাদুকে বিম্বিত করে দেয়। তাকে বাধা করে চিরচরিত গ্রামীণ দমন-পীড়নের দাম্পত্যজীবনের বন্ধনকে ছিঁড়ে বাইরে বেরিয়ে আসতে। কেননা ইতিমধ্যে সে উপলভি করেছে; বিয়ে একটা সামাজিক হলনা। সেখানে নারীর ওপর চাপিয়ে দেওয়া হয় পুরুষের নির্মম অত্যাচার। একইসঙ্গে পুরুষের জৈব কামনায় অনুঘটন ও নিবৃত্তির প্রাত্যহিক দায়িত্বটুকুও নিষ্ঠার সঙ্গে তাকে পালন করে যেতে হয়। এসব করতে গিয়ে ভাদুর মনে হয়েছিল, নারী শুধু নারীই। সে পুরুষের সঙ্গিনী। সহধর্মিণী বা অর্ধসঙ্গিনী নয়। সে পুরুষের সেবাদাসী, আনন্দদায়িনী এবং আরও অনেক কিছু। আসলে কিছুই নয়।

এইভাবে কিছু হয়েও কিছু না হওয়ার উপেক্ষা সহ্য করতে না পেয়ে ভাদু পালিয়ে যায় শ্রীকান্তের সঙ্গে। যা শেষমেশ তার জীবনে ডেকে আনে সর্বনাশ। সে চেয়েছিল ভালোবাসার মুক্ত অঙ্গন যা কোনও আবেগহীন প্রাত্যহিক সম্মর্চকারী গৃহী পুরুষ দিতে পারে না। যা দিতে পারে কুমুর ও কুমুরা শ্রীকান্ত। কিন্তু সে ভুলে যায় যে এক পুরুষের কবল থেকে মুক্তি পেতে সে অন্য পুরুষের বরাহগ্রাসে আশ্রয় নিচ্ছে। আদলত মাহাত্ম্য সংসারের গরাদ ভেঙে সে বেরিয়ে আসতে চেয়েছিল, উড়তে চেয়েছিল মুক্ত আকাশে কিন্তু পারেনি। দানানা দিলেও বাঁচার পাবি যেমন লাফিয়ে লাফিয়ে বাঁচার ফেরে, অপেক্ষমান মৃত্যুবাঁদের কথা সে কল্পনা করে না, তেমনই ভাদুরিও করেনি। শ্রীকান্তের কাছেও তাকে থাকতে হয়েছে বন্দিনীর মতো। তা যে ঝাঁ দূর্বিসহ ছিল তা ভাদুরি তার কাতর ও অপরাধী হৃদয় দিয়ে অনুভব করেছে।

এই উপন্যাসে বারবার ফিরে ফিরে এসেছে কুমুর গান। সৈকত রক্ষিতের যীরা পাঠক তাঁর জানেন যে তাঁর লেখায় কুমুর গানের ব্যবহার বড় অনায়াস, সাবলীল। কুমুর ছাড়া কি মানভূমকে ভাবা যায়। যে কুমুর গান ভাদুরিকে ঘরছাড়া করে পথে নামিয়েছিল তার টান কিন্তু ছিল সেই ছোটবেলা থেকেই। মায়ের সুন্দর, সুবেলা কণ্ঠের কুমুর গান শুনতে শুনতে ছোট্ট মেয়ে ভাদু চলে যেত অন্য জগতে। তার মা গাইত “বড় ঘাসের ব হক বেড়ী ছালা গ...”। সেখানে রয়েছে কুড়মি সমাজের গৃহবধুর প্রবন্ধিত জীবনের কথা। এর প্রবল বিরোধিতা আসত ভাদুরি বাবার কাছ থেকে। কুমুর সে সহ্য করতে পারত না। সেই লালমা মাহাত্ম ওধু নয়, গ্রামের বহু গৌড়া বয়স্ক মানুষের ধারণা, কুমুরে বহিমুখী টান আছে। তাতে সাজা দিয়ে মেয়েরা বিবাহী হয়ে যায়। তাদের হারিয়ে যাওয়া বড় বেদনার। “ল্যালহার কি ভয় ছিল, একদিন তার মেয়ে ভাদুরিও এমনি ভাবে হারিয়ে যেতে পারে?”

পরে যখন দেখা যায় যে ভাদুরি কোনও কিছুর পরোয়া না করে শ্রীকান্তের সঙ্গে ঘর ছেড়েছে আর তার সেই ঘর ছাড়ার সঙ্গে জুড়ে রয়েছে কুমুরের টান তখন মনে হয় তাহলে নিছকই পরকীয়া নয়, অন্যতর কোনও এক মধুর রসও টেনে নিয়ে গিয়েছিল ভাদুরিকে। মনে রাখতে হবে যে ভাদুরি তার ছেলের নাম রেখেছিল ভবপিতা। আদর করে ডাকত ‘ভভ’। মানভূমের প্রখ্যাত কুমুর-কবি ভবপ্রীতানন্দ ওঝা। ভবপ্রীতানন্দের সুন্দর সুন্দর ভাদুরিয়াও গাইত শ্রীকান্ত। কুমুরের প্রতি তার দুর্বলতা থেকেই ভাদুরি ছেলের নাম রেখেছিল ভবপিতা। তবে যে অপরাধের সূত্রপাত হয়েছিল ভাদুরি ও শ্রীকান্তের পরস্পরের প্রেম ও যৌনতা থেকে, সেই প্রেম অল্প দিনের মধ্যে অপ্রতিষ্ঠ হয়ে যায়। যা ভাদুরি কখনও কল্পনা করেনি। বরং সে যৌনাস্রের জাদুকরী খেলায় প্রমত্ত ও বিহ্বল থাকতে চেয়েছিল। রমণী রমণহীনা হলে তার নাকি দুর্গতির গীমা থাকে না। সেই দুর্গতি থেকে মুক্তি দিতেই শ্রীকান্ত তাকে তার সঙ্গে ঘর ছাড়ার পরামর্শ দিয়েছিল। ভাদুরির ভালোবাসা তাকে কাছে ডেকেছিল, তার দেহ-মনে নেশা ধরিয়ে দিয়েছিল। যে নেশা হয়ে উঠেছিল



তার সৃষ্টির প্রেরণা। কিন্তু একটা সময়ের পর তার সেই নেশা চলে যায়। ভাদরি ক্রমশ উপলব্ধি করে, সর্বদা হারিয়ে যে যার কাছে এল সে-ই তাকে একাকী ফেলে অন্য জীবনের দিকে যেতে শুরু করেছে। শ্রীকান্তের কখনো তখন খেলা করে 'মালাবতী, বিমলা, পোস্ত, বুটন, সরফতী, গীতারানীদের বেলকটিকে সাঙানো খোঁপা পরে হিমালী মাথা গোলাপী লিপিসটিক দেওয়া ঝলমলে মুখগুলি।' ভাদরি আরও উপলব্ধি করে, তার প্রতি, তার শরীরের প্রতি শ্রীকান্তের আর কোনও মোহ নেই, কৌতূহল নেই, পিপাসা নেই। এমনকি কোনও কুমুরও নেই। তাই তার হতাশ লাগে, নিজেকে অসহায় মনে হয়। মাকে মাঝে নিজের টুটি নিয়েই চেপে ধরে নিজের কৃতকর্মের প্রায়শ্চিত্ত করতে চায়। শোকে, হতাশায়, নৈরাশ্যে, প্রাণিতে আর অন্তরের পীড়ন বিবেল হয়ে শ্রীকান্তের কাছে সে মিনতি করে: "হামি তোরে পায় পড়ি। লোহোর করি। হামাকে তুই মালখোড়ো কোগ দে। ব্যাটার কাছকে যাব।" ভাদরি ফিরে যেতে চায় সেই জোড়ের ধারে যেখানে শোয়ানো আছে তার ছেলের মৃতদেহ। আর এখানেই হয় বিপর্যয়।

শ্রীকান্ত তাকে ফিরতে দিতে চায় না। সে চায় তাকে 'অস্তাদি' শিখিয়ে, কুমুর দলে নাচ-গান করিয়ে টাকা জোজগার করতে। অন্যদিকে ভাদরি মেয়ে চম্পিকে নিয়ে ফিরতে চায় তার স্বামীর কাছে। স্বাণ্ড ভাবাবেগের প্রায়শ্চিত্ত করতে।

ভাদরি ফিরে আসে পাঁচ বছরে তপ্ত অথচ অঙ্গার হয়ে যাওয়া স্মৃতি সঙ্গে নিয়ে। সে ভেবেছিল গ্রামে দীর্ঘদিন তার অনুপস্থিতি গ্রামবাসীর মনে যে শূন্যতার সৃষ্টি করেছে তাতে হয়তো তারা তার অনুশোচনার কথা ভেবে ক্ষমা করে দেবে। তাই ভোর শেষে মোরগ ডেকে উঠলে তার মনে হয় নিজের গ্রামের লোকেরা তাকে আহ্বান জানাচ্ছে। বাস্তবে তা হয় না। ভাদরির আশা ভেঙে যায় যখন তাকে সবাই ডাইনি, মাগি, কসবি বলে সম্বোধন করে- "ডাইনি মাগী! কসবি! ফের তুই মালখোড়কে আইসেছিস?" ভাদরি দেখতে পায় সেই সমস্ত মানুষের ভয়াল মূর্তি যাদের সে এই কয়েক মাসে প্রায় ভুলতে বসেছিল। যে মুখগুলো তার অত্যন্ত ঘনিষ্ঠ ও পরিচিত। যাদের সে কাপা-খুড়া বলত, তারা আজ সবাই তার বিপক্ষে। তাদের কাছে ভাদুর কোনও ক্ষমা নেই। তার মুক্তিও নেই কোথাও। তবুও সে ক্লান্ত হয়ে, নিরাশ হয়ে, হতোদম হয়ে নিজের ভেঙে পড়া শরীরটা কোনওক্রমে ঠিক করে। প্রতিবাদ করে বলে, সে ডাইনি নয়- "হামাকে তরা ডাইনি না বলিস। হামার কোলে বিটি আছে, হামার বুকে দুধ আছে..." গ্রামের লোকেরা এসব শোনে না, মানে না। তারা ভাদুরিকে গদাই ডুংরি মাথা থেকে টেনে-থিচড়ে নামিয়ে কানাভাঙা হাঁড়ি বেঁধে দিয়ে সারা গ্রাম ঘুরিয়ে গ্রামের বাইরে বের করে দেয়। তখন তার অবস্থান ব্যাখ্যা করতে ঔপন্যাসিক বলেন: "ঠিক যেভাবে ভাঙা হাটে পড়ে থাকে সামান্য পাঁঠিমাংস, কান-ফেড়-মুড়-এর জন্য হাটের মানুষ ভিড় করে... এখানেও তেমনি ভাদরিকে ঘিরে উপচে পড়া কৌতূহল।"

আগেই বলা হয়েছে যে এই উপন্যাস শেষ থেকে শুরু হয়। সেই শুরুর যে শেষ তা আসলে কোনও শেষ নয়। তা এই কাহিনীকে কোনও সমাপ্তির দিকে নিয়ে যেতে পারে না। নিয়ে যাওয়া সম্ভব নয়। ভাদরিরই যাত্রাপথের কোনও শেষ নেই যে। তবে একথাও মনে রাখা দরকার যে এই লেখা এগিয়ে পিছিয়ে চলতে চলতে যেসব সত্তা সামনে আসে তার মুখোমুখি হতে পারলে নারীজীবনের এক ইতিহাসের সম্মুখীন হতে হয়। ভাদরি যখন নিরুদ্দেশ হয়ে গিয়েছিল তখন তাকে নিয়ে গ্রামের বিভিন্ন জায়গায় রসালো আলোচনার কোনও ন্যামতি ছিল না। গ্রামেরই আধুবুড়া ভৈরব তাকে কামনা করত এবং ভাদরি চলে যাওয়ার পর সে কথা প্রকাশ্যে বলতে তার এতটুকু লজ্জা ছিল না। ভাদরিকে নিয়ে সে অনায়াসে বলতে পারে: 'উ শালী

সংসারময়ী বাঠে। দেখ যাঁহিয়ে কার ছিঁড়া কাঁথার তুলে শূঁয়ে গরম হাছে।' পরের মন্তব্য, 'আর শূঁয়ে যদি থাকে, তু তাকে দেখের কী! মা'রীর জনম কিসার লাইগে?' দেখার বিষয় যে এই ভৈরবও কুমুর গায়। কুমুর নাচের দলের সঙ্গে ঘুরত সে। সেও কুমুর শোনাতে আদালত আর ভাদরির ঘরের উঠানে বসে। বুড়ো হয়েও কুমুর বৌবনের 'লুকলুকানি' যায় না। তার রাসের কথাবার্তার লক্ষ্যও ছিল ভাদরি।

উপন্যাস যত এগোতে থাকে, পাঠকের চোখের সামনে তত এইরকম সব চরিত্র এসে পড়ায়। সেখা যায় উপদ্রবকে। যে উপদ্রবরকাকা কিশোরী ভাদরিকে বজরা খেতের ভেতরে নিয়ে গিয়ে তার শরীর ইটভায়ে, কামনা মেটানোর চেষ্টা করেছিল। মালখোড়ের কমলাকান্তও এরকমই একজন যার স্বেচ্ছা দৃষ্টি ছুঁয়ে থাকে ভাদরির শরীর। শ্রীকান্তের সঙ্গে পালিয়ে ভাদরি পৌঁছয় গ্রিবেণী। সেখানে যে ইটভাটায় তারা কাজ করতে সেখানকার মুনশিও শ্রীকান্তকে সরিয়ে ভাদরির ওপর কাঁপিয়ে পড়তে চায়। আরও পরে নাচনি দলের নিয়ন্ত্রণ ভাদরিকে দেখে প্রবলভাবে আকৃষ্ট হয় তার রূপে, উশ্বস্ব করে পাওয়ার জন্য। তারপর সে ভাদরিকে নাচনি করতে চায়। ছোবল বসাতে চায় তার মধুভাঙে।

সারাজীবনের জন্য ভাদরির আক্ষেপ থেকে যায়। বেরিয়ে আসার পর তার পাঁচ বছরের মহাবায়ায় সে যে পুরুষ দেখেছে, তাদের বহুরূপতা দেখেছে, দেখেছে জগতের ছত্ররূপ। কিন্তু প্রকৃত মানুষ দেখেনি। সেইসঙ্গে প্রকৃত ভালোবাসার সন্ধানও পায়নি। সে বুঝতে পারে, যোনির কারণে পুরুষ তাকে জননীর সম্মান দেয়। যে স্তনে দুগ্ধ ক্ষরণ ঘটিয়ে মাতৃরূপ আরোপ করে, সেই জননীকে, তার ভাবমূর্তিকে মুহুর্তে চূর্ণ করতে, কলঙ্কিত করতে বিধা করে না পুরুষ।

সেই সঙ্গে সে আরও উপলব্ধি করে, কল্পনাই মানুষের ব্যবহারী দৃশ্য ও অনুশোচনার মূল। বন্দিদ্বহীন জীবন অলীক কল্পনা মাত্র। বন্দিদ্ব থেকে নারীর মুক্তি নেই। গোটা পৃথিবীটা আসলে এক অভিনব কারাগার। সমাজ, সভ্যতা, শিক্ষা, অগ্রগতি, সমস্ত কিছুই সেই অদৃশ্য কারাগারের লৌহগদাগুলিকে আরও দৃঢ়, আরও শক্তিশালী, আরও মজবুত করে তুলছে। তার পাবেও মানুষ স্বাধীনতার আকাঙ্ক্ষা করে। ভাদুও তাই করেছিল। সে চেয়েছিল মনের স্বাধীনতা, কল্পনার স্বাধীনতা, সর্বোপরি ভালোবাসার স্বাধীনতা। আর সেখানে তার প্রকাশ ঘটেছে সেখানেই সে হিংসাপ্রাণ হয়ে উঠেছে। আবার কখনও তার উচ্ছ্বল প্রকাশ ঘটেছে। কখনও বা অবদমিত থেকে গেছে।

উপন্যাসটি পুরুষ কারাগারে নারীর নিমজ্জিত জীবনের ইতিহাস। তার সামাজিক, অর্থনৈতিক ও যৌন লুটনের নিদর্শন।

যদিও এ লেখা পড়তে পড়তে পাঠকের মনে কয়েকটি প্রশ্ন উঠে আসতে পারে। ভাদরি যদি ভয়ে, অশঙ্কায় তার ছেলেকে মেরে না ফেলত, চম্পির হাত ধরে অথবা তাকেও বেখে নিয়ে শ্রীকান্তের সঙ্গে ঘর ছাড়ত, তাহলেও কি তার সেই 'অপরাধ' কিছুমাত্র লঘু করে দেখত গ্রামের লোকেরা? জননী হিসাবে ভাদরির ভাবমূর্তি কি অক্ষুণ্ণ ছিল? সে কি চেয়েছিল সবাইকে লুকিয়ে শ্রীকান্তের সঙ্গে তার সম্পর্ক চলতে থাকুক। তাহলে কুমুর গানের প্রতি তার টান ছিল কোথায়? সে তো নিজের হাতে ছেলেকে মেরেছে, নিজের পরকীয়া সম্পর্ক লুকোনোর জন্য। উপন্যাসে শেষ পর্যন্ত যেখানে গিয়ে পৌঁছয় সেখানে জানা যায়, ভাদরি চায় তার পাঁচ বছরের চম্পিও আগামী দিনে পুনর্বার ভাদরি হয়ে উঠুক। দেখুক সে এই আলোকিত জীবন। পাঠক মনে করতে পারেন, চম্পির কোন ভাদরি হয়ে ওঠার কথা ভাবছে ভাদরি? কোন আলোকিত জীবন

দেবার কথা ভাবছে ভাদরি।

পুরুষতান্ত্রিক সমাজে পুরুষ নারীকে তার সম্পত্তি বলে মনে করে। সেইসঙ্গে ক্ষমতা ও সুবিধার সোচ্ছন্দে সেখানে এক আশ্চর্য মগজ খোলাই মস্তে বশীভূত করে নারীকে। মেয়েরা জড়িয়ে যায় পুরুষতন্ত্র বাসে নির্ধারিত নির্দিষ্ট মূল্যবোধের জালে। অনেক সময় হয়তো বা নিজের অজান্তেই। অধিপত্যবাদি ও নির্পীড়িতের মনোভাব একই লক্ষ্য ও ভাবনার চালিত হয়ে সম্পূর্ণ করে প্রভুদের বৃত্ত। সুনিশ্চিত করে পুরুষতন্ত্রের প্রতিষ্ঠা ও প্রসার।

ভাদরি শেষ পর্যন্ত সেই আচ্ছন্নতা থেকে নিজেকে মুক্ত করতে পেরেছে। তাকে অপমান করে সবই যখন বেদিয়ে নিয়ে যায় তখনও কুমুর গান শোনা যায়। যে কুড়মালি কুমুর বলে, এসো, দেখো কী সুন্দর এই মানভূম জেলা... এখানে ভালপাতায় আদিবাসীরা বানায় ঘর। ঝুমের ওনলে তাদের অন্তরে প্রেমের বন আসে। ছোনাচে নাচে হালায়।

এই সময় বারা আনন্দে নাচতে থাকে তাদের মধ্যে রয়েছে ভৈরব, কমলাকান্ত, তিরিঙ্গি, সুভাব, জগৎ, মুকুন্দ। লিস দেখিয়ে নাচছে হর-পাগল। ভাদরি বুঝতে পারে সে নারী বলেই পুরুষের এই জেহারা করতে পেরেছে। জগতের অহংকার দেখে সে বুঝতে পেরেছে আলোকিত ভুবন কাকে বলে। বার্থ জীবনের জেহারা চিন্তার স্বাধীনতা, শিল্পের প্রতি ভালোবাসা, রসের প্রতি আকর্ষণ; সবই বার্থ হয়ে যায়। যা থাকে তা এক অনুভব। নারীজীবনের প্রতি নারীর অনুভব।

এখানেই লেখক এই উপন্যাসে এক অন্য মাত্রা সংযোজন করেছেন। এ উপন্যাসের পটভূমি আঞ্চলিক, মানুষজন বিশেষ এক সম্প্রদায়ের, ভাষা তাদেরই। তবুও সব কিছু ছাপিয়ে উথলে ওঠে ওই অনুভব। যা উপন্যাসের আদত বক্তব্যটিকে এক প্রসারতায় নিয়ে যায়।

